


CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

JUN 30 1954

T 2252.8 / 2711

王氏宗譜

卷一



咸豐三年續修

源遠流長

三槐堂珍藏

目錄

卷一

梅谿續修宗譜新序

前梅創接宗譜原序

山陰前梅王氏宗譜原序

山陰王氏族譜原序

山陰王氏族譜原序

族譜世裔原序

族譜追尋原序

族譜系派原序

哈佛大學漢和
圖書館珍藏印

山陰梅氏宗譜

目錄

一
三槐堂

俊彥公勅誥一道

俊彥公諭祭一道

師旦公勅誥一道

佐公勅誥五道

袁公勅誥一道 關

山陰縣誌

歷代科甲記

慧龍公履歷

卷貴 公履歷

目錄 俊彥公履歷

卷佐 公履歷

卷哀 公履歷

敬山公墳禁碑

得之公墳禁碑

明因寺呈斷全案

錢太君節孝行述記

封植堂記

項太孺人節孝傳

元輔公傳

項孺人傳

宰平翁行略

宰平公遺箴

文德公暨子合傳

永年翁傳

日新公傳

楊太宜人贊

錢孺人節孝全卷

宗祠捐田地畝數戶管總登

卷二

遺像

卷三

例言

系圖 遠祖一世至八十三世
始祖一世至十三世

卷四

系圖 十三世至十九世

卷五

歷代各處徙居考

行傳 遠祖一世至八十三世

卷六

行傳 始祖一世至十四世

卷七

行傳 十五世至十六世

卷八

行傳 十七世至十九世

卷四 卷五 卷六 卷七 卷八 卷九 卷十 卷十一 卷十二 卷十三 卷十四 卷十五 卷十六 卷十七 卷十八 卷十九 卷二十

梅谿續修宗譜序

家之有譜猶國之有史史歷一朝而編輯據事直書責在史館譜閱卅載而纂修延支接脉責在子孫蓋分衍之際系序易淆非載之於譜不知源之所自出不知派之所由分致相視如秦越然譜之所係大矣哉然莫為之前雖美勿彰莫為之後雖盛勿傳故作於遷徙之初者誠亟而修於蕃衍之日者尤不容緩按吾姓蔓延天壤不能縷述即貴公由清溪徙居越之錢清東塘為紹興始祖自是厥後遠支如紹城小江橋界塘上安備河樗里丁墅蠓浦石里新田汀頭湯浦本支如環翠塔下

三界橋等處各自成族各自立譜茲亦無容續載惟我祖掄一公係貴公十一世孫學士公之子也贅居梅谿越數百年而似續日蕃惟家乘一事尚闕如焉先季父鉅筠公有志考訂而苦未逮適族叔祖元德公先萌輯譜之志相與共理舉族之人亦欣然樂從於道光壬午歲春各為溯本尋源會輯一譜付之梨棗始初舉也其序譜曰是譜既成後昆當以此心為心源源修續歷百世而無忘所自是創始者之大幸旨哉斯言槐從而誌之不敢忘迄今隔三十餘寒暑矣其間當續者不知凡幾若不踵而增之數傳以後仍恐昭穆難分親疏莫辨

有如漁村史公所慮者但吾房兄弟行俱已凋謝槐又

年近古稀精神衰邁爰命兒輩燮等同族弟

承森承銓承欽承楷

諸人從元德鉅筠二公所載之後於每房每人名下添

列子姓使無遺紊而族人有志承先者間為捐金鳩工

以襄厥事逮孟冬之季而譜事復成煥然一新矣後有

作者更當志予之志上以答元德鉅筠二公權輿於昔

而開示於後之心承先烈而式廓之則吾姓之支流譬

如黃河之水穿龍門過積石以達於海而其始同源星

宿者也故老譜所列旁支存而不刪以見九族一本之

意云爾

咸豐三年癸丑孟冬

掄一公十六世孫汝槐謹序

（此處為模糊的宗譜內容，文字難以辨認）

前梅創接宗譜原序

梅里古稱山水之鄉南渡以後庶姓萃聚其風淳其俗
 樸擇里者往往於茲卜築焉有明洪武十九年吾一世
 祖掄一公由塘上王三界橋贅居茲里孤踪落落不過
 為薦蘿之施松蒹葭之倚玉初無有昭穆之可序春秋
 之會食也嗣而萌蘖駸駸歷數百年支分派合傍梅溪
 而居處者日蕃衍其子姓遞十三世祖等有志本源捐
 金鳩工建祠於梅溪之北夫是以棲神得所而合食有
 方也至家乘一事向無鐫本子孫諳文墨者家自抄記
 而已錫每見名門譜牒按其編年定次辨名著諱生卒

配偶以及祖功宗德或隱或顯莫不具列未嘗不竊竊羨慕於其間然而有志未逮抱虛願者歷有年所道光壬午春族叔元德先萌輯譜之志一言籌及於筠遂不禁躍然起曰善哉此舉乃尊祖敬宗之事仁人孝子之行也抑筠夙抱茲願所欲遂而不得者也今幸有同志敢不共勦厥事遂徧告族人共成此舉族人欣然樂從各爲遡本尋源沿流討末會輯一譜付之剞劂自春徂夏告厥成功由是自仁率親等而上之至於祖自義率祖順而下之至於禰瓜瓞之纏綿江河之分析一展卷而燎如指掌矣譜旣成後昆當以此心爲心源源修續

歷百世而無忘所自則吾譜之權輿於今日而開示夫後人者無窮且幸夫後人之繼述有由而創始者之幸莫大也

道光壬午二月旣望

掄一公後十五世孫鉅筠謹序

焉徘徊萬壑無如此地之避秦直入千山何似昔人之
徙蜀耽茲竹箭尋彼桃梅地緣人秀溪就廬環綿綿者
宜爾子孫秩秩者保其家室僕嘗聞提斑籜逕訪翠壺
觀屋舍之儼然羨衣冠之如昨竹林水碓世服先疇鐵
硯紅篝人攻經帖洵相土之得宜而斯干之足樂與至
於卷窺家傳略數諸房述妣祖於生民彙祈雲於從譜
金魚歷歷如觀星宿之躔紫鷲繩繩何限猗蘭之葉固
知來方孔竇祖庭之記非虛盛似吳門賢錄之垂有據
特是向披類例尚有閒然舊示仙源不無率爾蓋自大
使翔營毫末寓松竹梅三友之嘉名竹溪復補朱黃爲

孟仲季鼎分之定序加以丁添千指海闔三桑椅桐之
垂實愈蕃薑韭之封畦日廣總功奚察齒序焉憑非徒
分類之宜詳度亦象賢所難愆也乃有慈孫懇懇首念
藟根載筆勤勤仍叅蟲弋法漢書而似表倣周禮以圖
宗制合三長陋裁八病還就鄙人乞書右簡於是謹披
赤軸用弁素油冠裳遺緱氏之山俎豆配麟書之享朶
忠臣於孝子之門芳承傑出作聖主得賢臣之頌美濟
前聞慶襲槐堂佇應三公於指日才高草賦重稱四傑
於明時命世之英不可殫述則如此之守先勒乘確擬
珠聯數典原初凜同鐵畫葉交枝覆未容桑柳之寄生

澮權流綱豈許青黃之互混詎若譜鈔北地剗表箕乘
 傳纂南華定援龍象嗚呼永言益摯緣類本以遞推遺
 澤孔長閱來宗而弗替將貞觀之九百廿姓固應遜此
 支流河東之一十五篇俱復輸以名款爾是為序
 道光二年歲次壬午仲春上浣之吉

賜進士出身翰林院修撰兵部尚書兼都察院右都御史總

督雲貴等處兼理糧餉事務加三級年家眷嫻侍生史

致光拜撰

山陰王氏族譜原序

王氏系出周靈王之子晉十六世孫尚居太原闕十九
 世孫元遷居瑯琊臨沂元弟威為漢揚州刺史復徙太
 原其長子逸仍居瑯琊又八世為漢建武雲臺功臣霸
 霸十一世為晉尚書僕射渾渾曾孫尚書令述述子藍
 田憲侯坦之三十世有諱晟者居睦之清溪今嚴州淳
 安縣是也晟子仁厚仁厚子貴晦迹林泉自清溪徙居
 紹興之山陰錢清貴子瀟瀟生忠忠少子俊彥累贈特
 進開府俊彥生尚書佐佐生朝議知丞克常克常生正
 議提舉寓寓生知府琪通判琛琪生總幹夷簡主簿易

簡而夷簡生將仕郎知丞良臣良臣生振振生國子助教受益王氏自太原徙瑯琊又自瑯琊徙太原居徙不常遠在漢唐者不可爲記而顯於宋者尤多自咸平至洪武登進士者八十一人特科二人武舉者一十四人傳曰盛德必百世非周之子孫何以能如此其昌大哉古之爲譜所以序世次別昭穆辨親疎故周禮有小史以掌其事然則士大夫於此尤不可以不慎重也王氏之譜詳盡明備亦足見其世不乏賢而能修輯之矣昔蘇明允記族譜王文公序世譜乃爲德尊望重而文章之傑然者今粹中不敏嘗受學於助教先生而先生之

子文珩以譜序見請不敢不答也豈足以言序乎

皆

永樂二年夏五月乙丑

楚府長史會稽胡粹中撰

山陰王氏族譜原序
山陰王天儒以家譜示予求其序端予念自幼時聞吾
郡之鉅族世不墜詩書之澤者惟山陰王氏為最盛蓋
出自周靈王太子晉其子源本王家子遂以王為氏其
後居太原避秦亂遷族瑯琊臨沂後復徙太原子孫衆
多蔓延天下隨在而有若山陰王氏亦其裔也山陰之
派始居餘杭有仕吳越王隨王納土於宋蒙賜湖山田
宅於嚴之建德清溪居久之子孫又徙越之山陰有佐
者仕宋自狀元累官戶部尚書封山陰縣男至開國伯
食邑自三百戶至九百戶致仕進正議大夫贈銀青光

山陰王氏族譜原序

山陰王天儒以家譜示予求其序端予念自幼時聞吾
郡之鉅族世不墜詩書之澤者惟山陰王氏為最盛蓋
出自周靈王太子晉其子源本王家子遂以王為氏其
後居太原避秦亂遷族瑯琊臨沂後復徙太原子孫衆
多蔓延天下隨在而有若山陰王氏亦其裔也山陰之
派始居餘杭有仕吳越王隨王納土於宋蒙賜湖山田
宅於嚴之建德清溪居久之子孫又徙越之山陰有佐
者仕宋自狀元累官戶部尚書封山陰縣男至開國伯
食邑自三百戶至九百戶致仕進正議大夫贈銀青光

祿大夫實天儒之始祖也以譜閱之其間自宋咸平至
 我宋自聖朝登進士者八十一人特科甲者二人武舉者一十四人
 紆青曳紫有光於祖宗固無尚已迨今子孫日盛或仕
 或隱詵詵然皆不失為詩禮故家之所出是則吾郡之
 世族孰有過於王氏者哉夫人生功名富貴係乎遇不
 遇而世之詩書之澤在我之可守者則不可不勉故大
 家世族之子孫不可專以傳珪襲組為尚苟雖微而在
 下能於世德繼繼繩繩永垂勿替豈非賢子孫耶予聞
 天儒雖身居田里以耕以鑿謹言慎行兢兢焉惟日日

率諸族人子弟以世德相勉惟恐或失有玷于先世由
 是而推則天儒謂非王氏之賢子孫其可乎余故序此
 以答其所請冀其歸告族人子弟各盡保族宜家之道
 勿徒以門第自誇有忝于斯譜可也天儒曰聞命矣于
 是書以為山陰王氏譜序

昔

天順元年歲在丁丑八月既望

資善大夫南京吏部尚書致仕蕭山魏驥撰

之後吾王氏始居餘杭避五代亂徙居嚴之建德始祖
生四子仁霸仁紹皆早世仁厚徙居清溪不記其系今
建德宗裔悉是仁安始祖也仁厚始祖乾道間五少卿
嘗邂逅一人於清溪出譜叙族不復省記其名父百念
三通判與宣子尚書同寮於長沙一日叙宗盟乃知紹
興諸族亦自清溪出也先世出自太原後避唐五季亂
徙居杭之餘杭因仕吳越其子曰嚴以父本王家之
太宗皇帝居尊履極始祖鎮城使同吳越王歸京師蒙
恩給賜田宅湖山於嚴及今二百五十餘年矣譜系中
載一位遷於清溪子孫徙紹興今尚書正清溪之系歲

在丙申先君倅長沙尚書寶學公爲師平時居寮屬事
上官言不及他忽寶學公因語及世次自言余家始自
清溪徙於會稽先君遂歷舉始末因出家譜焉逮兩紀
之後九僉判尉山陰復於寶學諸孫通修家譜因得以
知源流繁衍之盛且以足成清溪之派又得永嘉陳君
琛國寶自周靈王而下校正本支首尾甚詳無訛於是
王氏族系班班可考若其譜中有先世遷於他處尚以
未備爲憾俟更尋訪足成其書以俟吾宗之光也

昔

淳熙十三年歲次丙午秋又七月之吉

孫且言久爲人役今贅居南池夫生同姓居同郡乃隔
濶若是縱遇於路憧憧往來亦罔知爲吾宗非老泉所
謂途人乎午發綢繹老泉之言猶有遺論蓋服其盡也
詩禮之訓自一世以及數世雖旁支各派終屢子孫而
家訓傳流不與服俱盡也夫爲詩禮之傳不俱盡也子
孫讀古書存古意謙和退遜雍雍交接不知爲族則已
知其族也必問孰尊孰卑孰長孰幼愛敬之心油然而
起拜伏俯仰各安常分服雖盡而睦族之風如一日何
敢遽視爲途人哉或者慕要處而事奔波擁多貲而較
毫釐習尚趨下識見卑汗炎涼易心好惡隨私且竊議

族黨曰彼貧也視之藐然固有服未盡而已若途人矣
况服盡耶無他正患詩書之訓不傳耳午發無侶粗知
學謹畏自持惟恐墜先訓爲吾宗者其共勉之

七十八世孫午發謹撰

族譜系派原序
謹按家乘支派之源流世次之先後自周靈王太子晉
之子源迄今八十四世矣自太原有徙嚴州之清溪者
蓋去源祖歷七十一世矣仁厚弟仁安又自清溪徙建
德仁安生崇寶崇寶生偉仕宋朝太宗官大理評事其
居建德子孫遂以偉為建德祖去源七十三世矣仁厚
生貴貴又自清溪徙居越之錢清東塘貴生三子信惠
滿滿生忠為少卿忠生俊彥封越國公而子孫遂以為
紹興祖今瑾復改貴為吾錢清東塘祖蓋推其紹基之
故也有仁厚七世孫灝官至武經大夫贅衢州開化縣

族譜系派原序

謹按家乘支派之源流世次之先後自周靈王太子晉
之子源迄今八十四世矣自太原有徙嚴州之清溪者
蓋去源祖歷七十一世矣仁厚弟仁安又自清溪徙建
德仁安生崇寶崇寶生偉仕宋朝太宗官大理評事其
居建德子孫遂以偉為建德祖去源七十三世矣仁厚
生貴貴又自清溪徙居越之錢清東塘貴生三子信惠
滿滿生忠為少卿忠生俊彥封越國公而子孫遂以為
紹興祖今瑾復改貴為吾錢清東塘祖蓋推其紹基之
故也有仁厚七世孫灝官至武經大夫贅衢州開化縣

地名馬金余氏遂家焉乃貴子惠為三衢祖者蓋以灝與支派相屬尤近故也有居緒塘者曰勗迺仁安子崇昊為尚書虞部員外郎其季子與三衢祖惠皆去源七十三世而並系建德支也有稱小廟祖者曰珣亦崇昊長子則之子也有居三河者曰琦即珣之弟皆建德之支去源歷七十四世矣有居山棲者曰良臣即錢清東塘之支實尚書公佐四世孫夷簡子也有居丁墅者曰良弼亦尚書四世孫廸簡子界塘之支係源八十一世孫也有居東魯滕縣者有自錢清東塘散處四方者一在台州一在南康一在上虞以其子孫不見其傳承無

見於譜也今瑾聘此鄉先生徐無齋承前未後而纂修之瑾欲吾後世子孫舉目易見其世次支派抑有散處外郡者亦得所據而為攷集也蓋譜牒者古人以為尊祖敬宗之大端大本也子孫倘可求而不求得會而不會同歸於不尊不敬而為棄本者也

昔

正德二年四月既望

八十四世孫瑾謹識

王論五刑四民刑罰... 會同體然不... 脈地宗之... 伏清春亦... 文獻於吾... 具然...

勅官誥

勅祭通議大夫

惟今禮部乃古春官之職責任優重兩都均焉使非其人曷克以稱咨爾禮部侍郎王俊彥發身甲第歷任有年頃者採之僉言進居是位乃能率屬奉公弗曠厥職朕甚嘉之茲特進爾階正議大夫錫之誥命爾其益懋乃心廣樹乃績以副朕簡賢圖治之懷欽哉故

勅右牒到奉行... 勅朝廷寵錫羣臣榮乃伉儷不以存沒殊重大倫也爾禮部侍郎王俊彥之妻贈碩人葉氏君子偕老願弗克

遂追惟往懿錫命宜隆茲特加贈為同安郡夫人歆此
休榮永賁幽壤

勅曰古者禮重宗婦室必有繼故國家推封之典先後均
焉爾禮部侍郎王俊彥之繼室封碩人葉氏婦道之修

徵于相夫爾階既崇爾宜加命茲特封為永寧郡夫人

茂膺寵光益敦儆戒欽哉

人昔京以爾谷爾勤爾慎爾順王對

紹興二十二年五月十六日

勅遣僉書節度判官

諭祭

勅遣僉書節度判官

諭祭禮部尚書王俊彥曰卿性資謹厚才識優長發蹟賢

科蜚聲郎署兩知大郡德惠在人歷試名臬刑紀著績

晉陞御史中丞撫馭有聲擢列春官二卿綜理克濟宗

伯正位畱務攸司委任方殷懇求休退宜膺晚福遽報

長終眷念往勞特頒恤念賜葬與祭用示殊恩九原有

知尚其歆服

勅遣禮部員外郎劉鎮

諭祭禮部尚書王俊彥曰卿敷中外為國正卿于茲考終

倏臨窀穸往勞在念寶軫 朕懷爰命有司載頒諭祭

爾靈不昧庶克欽承
 勅遣秘書省檢書郎
 諭祭禮部尚書王俊彥繼妻封永寧郡夫人葉氏曰爾以
 賢淑繼配名臣內助多良封章屢錫正宜偕老胡遽長
 終訃音來聞特賜以祭為營葬域用示卹恩冥漠有知
 尚其歆服
 乾道八年三月二十日
 備祭禮部尚書王

勅文林郎王師旦

朝廷設監察御史欲振紀綱風俗以弼成國家之治非
 得剛方清直之士曷克以稱文林郎行在都察院交趾
 道監察御史王師旦發身賢科擢任風紀薦歷年歲克
 効勤勞是用錫之勅命以為爾榮夫官以察以言為職
 在居是官者當以明以直為先尚其益端爾志益堅爾
 守毋私於法毋撓於勢毋以訐為直毋以苛為明識以
 燭之公以行之茂修而不怠尚有顯爵以待爾躬欽哉
 故勅 如右符到奉行
 紹興二十三年九月十八日下

詩書之訓爰因夫費用普國恩茲特封為碩人尚敦祇
慎之風益迓嘉祥之至欽哉

勅曰右符到奉行

紹興二十五年正月十九日下

命公勉勵事惟世用必世平民代五良率即德當守平
和財于喪嘉文爾茲命爾戮割之承奉禮儀之陳
詣與日圖對計之確贊幾到蘇美譽湛滄淵亦尚文
吏將員伏願王公各登首數官區兩藩亦宜善結恩之
既此代工曹文好實計派土之巨非特其人各隔慈丑
棘空奉奉明王公勤贊非日莫為之食圖無其人前與共

勅朝散大夫權知渾州軍抄事兼管內勸農營田事主管

荆湖南路安撫司公事馬步軍都總管王佐 朕待遠

地方不異於戶庭欲萬姓咸安其田里與我共此實惟治

理之臣有功見知詎後褒嘉之寵爾文學瞻蔚擢冠賢

科政事精明尤高吏最振威名於制閫論德意於褰幃

嘗攝版曹又優鞭算究觀臨事允謂通儒茲分鎮湖湘

民益孚於條教是用無改藩宣之寄特陞論譔之華念

師帥非賢則德不宜宜難其代然公卿有缺則上所表

終不汝忘其斷乃止以稱休命可特援依前朝散大夫

秘閣修撰候今任滿月令再任

奉

勅如右牒到奉行

淳熙四年正月二十一日下

告朝散大夫充秘閣修撰權知渾州軍抄事兼管內勸農

營田事主管荆湖南路安撫司公事馬步軍總管王佐

奉

勅如右符到奉行

淳熙四年正月二十四日下

勅朝奉大夫 朕惟有天下者必得令臣為之宏治爾兼

兵部左侍郎王佐文魁多士才冠百僚 朕累簡援內

外之司歷著嘉績僉推文武全才宜托軍民重任茲爾

佐等臨安建康等六府地方能寧勅爾前去巡撫置制

馳驛赴鎮五品以下文武職官悉以軍法便宜行事其

尚體 朕心務在恩威兼濟俾遠近畏懷以宏太平之

治爾其欽承之故

勅如右牒到奉行

淳熙五年二月十六日下

勅正奉大夫工部尚書王佐稽古冬官以奠民生天時地利厥職繁重歸貴式以相之惟財力節而弗匱繕修舉而弗傷非竭誠體國殫忠籌事則罔勿艱茲爾工部尚書王佐茂遷甲科奮由郎署嘗諸外邦宣於大郡悉有卓異之政朕甚嘉之擢居中書安撫觀察營田荆湖南路等使晉爾冬官則開翼贊論功既懋叙秩宜崇特進爾階光祿大夫載錫誥命爾其祗膺光訓務懋嘉猷以助予恭儉之治故

勅如右符到奉行

淳熙十四年七月廿六日下

致仕銀青光祿大夫王佐仕全終始人臣以永保為難禮備榮褒朝廷以報功為重顧盛典不輕俾必其人斯以承

勅致仕戶部尚書王佐性情純雅才識優長擢秀甲科歷官郎署出知大邦克殫撫字之勞薦長名郡茂著安撫之績尹司京府羣僚是式任職卿階輿情允服迨夫南遷司空實掌邦土尋改司徒仍資留務持身謹約恒奉法以不渝蒞事精勤每在公而匪懈賢勞四紀敷歷二都朕方圖任老成懋修政理比閱懇悃之疏使遂恬退之懷宜享頤齡詎意淪謝方深悼惜用恤褒崇茲特

錫太傅文昌之誥命於戲師傅清階實儒臣之極致泉
肩後命乃朝著之殊恩尚冀冥靈歆此異澤
紹熙二年二月十五日下午

南數匠空實準來士標定同封四資置符良職除
無之離氏同京孤舉猶具天計德佩與前全組銀夫
風官頃得也取大派京聖職字之發萬具冷海楚善安
煉 廷出只將尚書王出此制絲紙本端發具職表印林
以承

王佐字宣子十八補太學生二十有一以南省高選奉
廷對為第一授僉書平江軍節度判官未赴召為秘書
省較書郎秦檜專政其子熺提舉秘書省館中或趨附
之以為捷徑佐獨簡默嚴重未嘗交一語嘗語同舍謂
不宜自屈熺聞不能平嗾言論去之及檜死熺斥尋復
起用檜妻王氏陳乞舊所得恩數之未用者自稱冲真
先生佐駁之曰妾婦安得此稱向者誤恩有司不能執
法為失職今當追正併欲奪其僭階執政不能聽但寢
其請而已後王氏死卒奪其號淳熙中知建康府有妖

山陰縣誌

王佐字宣子十八補太學生二十有一以南省高選奉

廷對為第一授僉書平江軍節度判官未赴召為秘書

省較書郎秦檜專政其子熺提舉秘書省館中或趨附

之以為捷徑佐獨簡默嚴重未嘗交一語嘗語同舍謂

不宜自屈熺聞不能平嗾言論去之及檜死熺斥尋復

起用檜妻王氏陳乞舊所得恩數之未用者自稱冲真

先生佐駁之曰妾婦安得此稱向者誤恩有司不能執

法為失職今當追正併欲奪其僭階執政不能聽但寢

其請而已後王氏死卒奪其號淳熙中知建康府有妖

其請而已後王氏死卒奪其號淳熙中知建康府有妖

人挾左道與軍士不逞輩謀不軌得其陰謀一日坐帳中決事命捕爲首者至前詰數語責短狀判斬之而流其徒於嶺外僚屬方候見於閣次無一人知者見佐擲筆乃異之而妖人已誅矣佐方閱案牘治他事延見賓僚乃退無少異於常日後徙知潭州宜章民陳峒竊發甚猖獗佐檄流人馮湛權湖南路兵馬鈴轄統制軍馬卽日授以節制征之具奏論賊勢上是其策親督戰賊寇誅獲無遺詔以佐忠勞備著超拜顯謨閣待制歷工戶二部尚書紹熙二年正月奉祠卒贈銀青光祿大夫弟克別有傳王佐廟在縣西七十里山棲村其墓在焉

王克佐之弟也母墓爲盜所發盜旣捕得有司薄其罪克手斬盜首雪母冤詣州自言佐請納所居官贖弟時王十朋爲僉判賦詩美之且載其事於風俗賦云王君斬仇著名

其徒於額外... 舉乃異之而... 似乃退燕... 藉為... 神... 王... 空... 王...

歷代科甲記

史字

馬

意中

風

采

對

咸平三年陳堯咨榜

冕

祥符八年蔡齊榜

育滋

天禧三年王整榜

言

天聖二年宋郊榜

洙 稷 師旦

天聖八年王拱辰榜

昇

景佑元年張唐卿榜

穆

慶歷六年賈黯榜

庭堅

皇祐元年馮京榜

庭筠

皇祐五年鄭獬榜

庭老 中 敏

嘉祐二年章衡榜

淵淑

治平二年彭汝礪榜

長彥

熙寧六年余中榜

佑知元

元豐二年時彥榜

澤賁

元豐五年黃裳榜

沃仲山

紹聖元年畢漸榜

禹得

元符三年李釜榜

綱庭藻天錫

崇寧二年霍端友榜

大年

崇寧五年蔡疑榜

紉秩

大觀三年賈安宅榜

樸彥中渥深俊

政和二年莫儔榜

禹同濬

政和六年王嘉榜

大卞

宣和元年上舍狀元

俊義

宣和三年何渙榜

渡禹疇澥賓

宣和六年沈晦榜

洋綬中允齊

紹興二年張九成榜

允明郊

紹興五年汪應辰榜

俊彥日勤日休綸

紹興十八年狀元

佐

紹興廿四年張孝祥榜

袞

紹興廿七年王十朋榜

覺民

紹興三十年梁克家榜 知新

隆興元年水待問榜 恬

乾道二年蕭國梁榜 璿

淳熙二年詹駉榜 專 專 夢錫

淳熙十一年衛湮榜 閻 仲純

淳熙十四年王容榜 中虛 中賓 賢佐 千里

紹熙四年陳亮榜 師愈 允升 臨

慶元二年鄒應龍榜 師閔

慶元五年曾從龍榜 一飛

嘉泰二年傅行簡榜 縮

嘉定元年鄭自成榜 茂良

嘉定七年袁甫榜 仲立 洪毅

嘉定十三年劉渭榜 子昂

嘉定十六年蔣重珍榜 劍封

寶慶元年王會龍榜 大發

紹定二年黃樸榜 紹先 仁傑

紹定五年徐元杰榜 良輔 虎臣 激

寶祐四年文天祥榜 灝 澈

嘉靖三十二年陳謹榜 大學

康熙十六年 榜 之輪

道光廿九年王 訥榜 言

嘉慶三十二年 刺對 大學

寶通四華文天 刺對 刺對

隆安五平 刺對 刺對 刺對

隆安三平 黃對 刺對 刺對

寶慶五平 王會 刺對 刺對 刺對

嘉安十六平 刺對 刺對 刺對 刺對

嘉安十三平 刺對 刺對 刺對 刺對

嘉安十平 刺對 刺對 刺對 刺對

嘉安七平 刺對 刺對 刺對 刺對

慧龍公履歷

慧龍太原人緝之少子也幼聰慧伊祖愉以為諸州之龍故名焉宋孝武時授龍驤將軍北朝拓跋魏神麴元年春二月任滎陽太守在郡十年農戰並修聲績大著歸附者不下萬餘家宋主劉義隆縱反聞於魏云慧龍自以功高位下欲引宋人入寇魏主聞之賜慧龍璽書曰義隆畏卿如虎欲相中害朕自知之不足介意宋主復遣刺客呂玄伯刺之玄伯詐為降人求屏人語慧龍疑之使探其懷果得尺刀玄伯叩頭請死慧龍釋之曰各為其主耳左右諫曰不殺玄伯無以制將來慧龍曰

死生有命彼亦安能害我我以仁義為扞蔽又何憂乎
 遂捨之嗣後慧龍死立伯守其墓終身不去 公卒謚
 穆侯其配來氏生子三寶現寶文寶興

曰美劉吳... 自以... 龍... 平春... 蕭... 蕭... 蕭...

貴公履歷

嚴州府淳安縣清溪宋靖州團練使仁厚之子貴字天
 爵號月軒行第二濬於學海浩無涯淡氣吞雲夢筆掃
 華嵩氣節崖岸不小挫於人三承事丹陽縣知縣於宋
 徽宗重和二年年甫三十上書言十一事俱為識者所
 是而其最著者如屯儲北塞遠斥奸佞等議其屯儲之
 略曰兵備者猶國之郭郭也郭郭鞏固則雖有勁敵悍
 寇不易窺覘而入也儲積者猶兵之元氣也元氣充完
 則雖有惡臭克腥不易傷胃而病也其斥奸佞之略曰
 奸佞事上寸心萬機寸舌千巧惟圖已私以為容悅之

快聞之易以悅信之易以危古之昏愚冥冥墮誘而不
 知敗亡之自促也奸佞見之而怨忿被黜歸隱嚴州淳
 安之清溪垂老徙越之山陰錢清之清江子孫遂家焉
 其配顧氏生三子曰信惠滿公與氏合葬于錢清東
 塘平地之原香城山前北麓數孔世治其地其地
 燼宗重祿二平平甫三十五書百十一年其為臨普
 華嵩屏館氣早不小對於人三承事其間與宋
 籍縣民神計讀二部故舉部無對錄各雲夢澤
 籍地祇存安烈節第宋徽宗國難於公早立千貴中
 貴公恩恩

俊彥公履歷

俊彥忠之子字應求號省齋第小十三生於元豐六年
 甲子辛未月癸酉日乙卯時宣和元年試吏部銓中第
 上舍補承務郎紹興五年汪應辰榜進士任國子學正
 兼欽慈皇后宅教授遷辟雍博士兼編修國史檢閱秘
 書省校書郎應天府少尹淮東荆湖等提舉主管南外
 室財用湖北提舉福建廣西等運判江西提刑改浙西
 憲知婺州浙東憲知台州召赴行在秘閣秘書省監修
 國史禮部侍郎集英殿修撰主管浙州玉龍觀通議大
 夫太常少卿兼祭酒通議大夫御史中丞正議大夫門

下侍郎尚書右僕射封會稽縣開國公食邑二千戶致仕光祿大夫開府儀同三司加封上柱國太師越國公薨於紹興二十五年二月十六日娶濟南府少卿葉駱女封同安郡夫人累贈榮國生尚書佐左司袞夫人先公二十二年卒繼娶同安從妹封永寧郡夫人累贈崇國生公瑾公珮公价公僕女三人長適葉舒溫次適黃康中幼適錢槩特進與榮國十二夫人葬山陰直步崇國四夫人葬會稽新溪五雲西管鄉年六十四歲終

佐公履歷

佐俊彥之子字宜子號敬齋第五八生於靖康元年九月初一日宋高宗十五年試入太學十八年四月請长假赴集英殿聽唱名賜進士第八時年二十有一以宮高等奉廷試對策擢第一賜狀元坊唱名時進止詳華中慶高宗喜動玉顏授承仕郎僉書平章軍節度判官未赴召為秘書省檢書郎兼權國子博士兼禮部員外左宣議郎兼玉牒所檢討官兼司勳郎右承議郎吏部員外左承奉郎起居郎中書舍人右朝議郎與外任知永州右朝奉郎知吉州右朝散郎知宣州轉請大夫知

饒州兼權戶部侍郎中書門下檢正諸房公事宗正少卿兼工部侍郎右朝議大夫權兵部侍郎朝奉大夫知臨安府尹兼吏部侍郎中奉大夫寶文閣學士兼侍讀大中大夫知建康府兼江東安撫權兩淮置制紫金魚袋提舉臨安府洞霄宮中奉大夫集英殿學士兼知制誥充玉輅執綬等官權禮部尚書國子祭酒通議大夫權吏部尚書太常少卿通奉大夫兼戶部尚書守司農少卿正議大夫權工部尚書兼觀文殿學士都承旨正奉大夫兵部尚書知潭州宣議大夫知揚州觀察營田等使光祿大夫檢守司徒檢校致仕銀青光祿大夫尚

書右僕射兼中書門下平章事贈太傅文昌公薨於紹熙二年正月十一日享年六十有八追封山陰縣開國男食邑二千戶實食一千二百戶娶高氏季氏俱封碩人先卒葬山陰天樂鄉山棲徐墓之原公後勅葬山陰新安鄉丁墅竹峯之原生三子曰履常克常信常

嘉慶二十一年十二月初四日給

示

悉嗣後毋得由王族風華令宰縣脈山內串盜樹木

示代合許示禁爲此示仰諸人又州設設及人等候

同盜盜禁禁匪匪可安公加餘示禁禁禁匪匪糾糾

王示示王示示示示示示示示示示示示示示示示

本叫餘示示示示示示示示示示示示示示示示

糾糾糾糾糾糾糾糾糾糾糾糾糾糾糾糾糾糾糾糾

糾糾糾糾糾糾糾糾糾糾糾糾糾糾糾糾糾糾糾糾

糾糾糾糾糾糾糾糾糾糾糾糾糾糾糾糾糾糾糾糾

得之公墳禁墓碑

爲公禁砍斫蔭木以安先靈以垂悠遠事緣

十一世祖得之公卜葬于斯歷年已久墓下子孫生齒

日蕃其中賢愚不一現在墳傍蔭木圍大倘有覬覦

伐上碍祖墳下關丁口此風斷不可啓爲此公同立

禁嗣後如有私行斫伐等情小則宗祠責處大則送官

究治更有徇私庇護知情不舉致被察出者一例同科

特立此禁約勒石以垂永久云爾

道光元年二月 日公同禁立

鳳超 在東 治書

宰平 在田 治學

鑑麟 治家

治泰

其後示平二日... 日公同禁立... 禁立此禁除碑石以垂永久云爾... 宗崇更百餘年... 禁除碑石... 外上... 日蕃其中贊愚不一... 十一世脈... 為公禁... 辭文公...

明因寺呈斷全案

日具... 呈... 王... 水...

為梟僧不法盜砍逞克公叩簽拘法究驅逐事切先祖

大承益公於晉朝開運二年在夏履橋捨地勅建明因寺

後被兵燹失之僅存寺基紹定四年 千十宣義公捐

資重修復捨山田備細載明家譜簽電可憑緣寺內有

山七百餘畝田六十餘畝今之住持梟僧三能進住十

餘年並無寸修殿宇坍塌不守清規頃於是月廿二日

將山場一應松杉雜木一概砍斫濯濯當有僧 啟運前

來報知 清泰 等旋即買舟與梟僧理斥証其先行串通

就地惡棍高 光魁 士榮 阿七 阿牛 等率領砍樹匪類二

三十人并其惡徒僧

靜聞

清鑑

手執兇器將山門前後

圍住百般糟蹋幸有就地高士祥在旁力勸得放到船

查檢物件將衣帽盡被擄去當即告明高士祥據言查

明賠償應訊可質旋即投明地總孔光裕畏勢莫理似

此不法梟僧橫行盜砍公同與理反肆串通地德逞兇

刁惡已極不沐簽拘法究真謂目無三尺律法奚容為

此粘同家譜失單公叩基餘安四平下宜維在

太爺俯賜簽拘法究以儆強橫並求飭差驅逐以保叢林

實感節鴻慈上呈敬啟公叩發財去災驅惡事四伏

道光廿四年二月 日具初呈裔孫王清泰 允中

再良 六陽

永傳 樹勲

懋勳 燮

署浙江紹興府山陰縣正堂加三級紀錄十一次王

如果該僧三能不守清規砍碎山水又復逆理逞兇毀

物殊為可惡候差查押逐具覆察究宗譜清單附

署浙江紹興府山陰縣正堂加三級紀錄十一次王

訊得監生王清泰等呈控祖建明因寺住僧三能盜砍

樹木坍塌佛殿屢遭逞兇並生員鄭蘭等公呈以僧三

能安分守規被僧啓運欲圖佔住唆訟各等情一案查

僧啓運所稱伊於道光九年出外雲遊其師年邁將寺產契據什物交僧三能代理等情當時並不邀同施主交割且無憑據顯係混爭肇訟並非安分可知至僧三能既被施主王清泰等公同具控亦難仍令住持致滋訟蔓今斷將僧三能僧啓運俱不準其住持着令王清泰等即協捐有寺產之徐姓人等選舉誠實戒僧另聘接住並着王徐兩姓邀請寺隣鄭高各姓人等公爲經察管理議立碑記永禁廢敗寺產僧俗賣買其餘牽控各情概免置議取具遵結送候備案毋違特諭

道光二十四年五月

日斷諭

調署浙江紹興府山陰縣正堂加三級紀錄十一次王爲

給示諭禁事據監生王清泰等控僧三能不守清規串盜樹木並據僧三能以僧啓運圖佔誣擾各等情一案業經集訊斷令僧三能與僧啓運不准住持諭飭王清泰等協同徐姓捐產人等另選接住並着邀鄭高等姓各寺鄰經察管理取遵在卷茲據生員鄭蘭等與監生王清泰等先後具呈及該差總稟覆各前來除分別批示外合行示禁爲此示仰該處居民及總保人等知悉爾等須知寺院理宜清肅寺產共應保守僧三能等現已訊斷逐退如該監生王清泰等與徐姓捐產人等另

選戒僧進住毋得阻撓寺內田山各產亦不得糟蹋蕩
廢如敢故違許該地總指名稟共
縣以憑提究决不稍寬各宜凜遵毋違特示

道光二十四年七月廿三日給

道
光
二
十
四
年
七
月
廿
三
日
給
稟
各
節
來
札
奉
批
該
縣
以
憑
提
究
不
得
稍
寬
各
宜
凜
遵
毋
違
特
示

錢太君節孝行迹記

族兄諱德如字之達康熙辛巳年正月朔日降生家清
苦好讀書試不售勵益甚致成怯症雍正乙巳歲八月
十二日逝世鄰里姻族見者心傷聞者情楚謂若是謹
厚之人而天天其年乎且使其老母無侍養之男乎矧
遺孤僅週歲遂為無父之兒乎天道殆不可知也而孰
知天之所以促其身者正所以顯其配其配吾某嫂錢
氏也生於康熙四十三年正月初十日幼有孝行事母
得歡吾兄求聘錢家遂締盟焉於康熙六十一年十
月初一日歸吾族兄時年方一十九歲閱五載而

族兄身故上有尊嫜下遺幼孤家貧力窘任重責艱吾嫂以未亡之身嘗旋轉之鉅十指勤勞仰事俯育竭蹶以支閱五載而我伯母又以病故喪葬之事必誠必信不以家道薄而苟且從事每遇祭祀雖疏食菜羹極誠極敬不以靈爽杳而聊奉虛名故遺嗣肇恩姪日承慈訓長而有成棄詩書勤家務衣食之資三十年來差可無缺皆吾嫂撫養成成人訓迪有方之所致也乾隆三十四年五月間學師採訪節孝移文縣主已蒙轉詳具題

旌表惜不獲享長年受子孫之報於乾隆三十六年十一月

初八日身故嗚呼當未字而承歡有道及于歸而敬事無慚夫職而身代之絕不言瘁子孤而身勗之終不畏勞自宜長享遐齡何意竟歸窆宿今且

恩命之榮表於閭里矣行看孫曾繞室必有科第芬芳膺綸綍以貤贈者吾嫂夫人固可含笑九泉即吾兄德如先生亦相慰於地下矣璧欽服既久因敘其事於家譜以誌慨慕之不忘云

鯉浦支下族弟廷璧拜述

道光二年歲次壬午杏月

曾孫鑑維盥手敬錄

未諳禮體惟知哀號捨地痛入魂夢至今每一念及則
附身附棺之物如在目前也年十五伯仲分居子焉獨
立自維讀書應試何以養母因挈家渡江列肆錢塘之
市諺有云賈人賺利余深恥之凡出入往來以不欺爲
本以循分爲先汝母佐余克勤克儉米鹽凌襍動有矩
規余每治絲昧爽握算中宵汝母就燈絡緯閒炊棗栗
進姑餘以飼若輩歷二十年如一日也既而家食漸充
撤業歸里置田數區足以供餽粥樹屋數楹足以安碓
坎飯稻羹魚冬裘夏葛上以瞻慈親下以畢婚嫁身無
妄費歲有餘貲因慕古人任卹之行周急扶危給錢助

葬雖所施不博亦未嘗謝絕一人余母性喜善緣每脩
葺橋路建興佛舍費至數百金余必先意承志力爲部
署冀得仰荷神庥壽晉期頤而康強無恙也無何庚寅
之歲忽攫篤疾生我劬勞哀哀長逝矣自是以後百念
俱灰苦寢之餘輒念佛氏慈仁或可爲功於泉壤由是
歷往天台雲棲南海積誠懺悔乃年五十四而汝母又
復去世追維往事艱難非汝母助余焉得仰事俯育一
無失墜而廼命促太鈞先余下地余獨何心能不悲哉
夫事業無涯百年有盡承先啟後職所當爲入此歲來
余年六十矣思欲再邀怙恃之恩重譜倡隨之樂已不

可得矣日月無多所望惟汝汝拘謹類余而才識不足
非培祖德何有後昌今特捐宗祠祭田二畝四分零里
社間炤口追薦田二畝二分零梅福庵炤口田一畝一
分零普香寺炤口田三畝一分零會善庵炤口田二畝
八分零餘悉以俾汝汝當念銖積寸累之艱沐雨櫛風
之苦毋妄費毋怠荒毋違心以接人毋重利而忘義昔
龐德公對劉景升曰人皆遺子孫以危吾獨遺子孫以
安旨哉斯言敬而誦之夫子孫猶樹也不封則不植不
植則不安余雖必信必果遠愧賢豪然自顧一生所以
封植汝等者可告於天可告於人卽此一篇已知大槩

矣爰書封植於堂尚其休目警心以毋忘今日之命
乾隆四十八年癸卯三月上巳日

男光宗謹誌

未週一紀之相諧遽致九京之永訣呼天泣血捨地失聲矢志捐生甘心同死第以下有難遺之似續上有垂老之翁姑苟率意以孤行孰養生而盡孝用是謹遵大義益勵貞操堂中事長服修蔬佩礪之勤膝下字孤親晝荻含丸之教春閨月墜不絕機聲秋井風寒頻傳礎韻幸童子之成人錫名重上欣弱娃之長服擇配名門一經奠雁三卜委禽方謂孤子之有家孰意文姬之無祿傷哉李氏夢醒鴛鴦繼以吳媛祥徵鸞鴛首舉賜松次生賜栗因思受命舅姑推恩伯氏聽遺囑之諄諄言猶在耳撫嗣孫之子子事久關心將欲分一子而承二

宗何如聯二婦以衍一本於以再咏好逑惟娣是吉藉茲姬姑之親重結潘楊之睦好合兩姓如友如賓誼美一門如兄如弟既耦居之無猜亦比肩而盡職居六載而遂育賜椿閱十春而再誕賜彬分我童孫延彼冢嗣上以成先人之志下以綿伯氏之祧皆孺人才德之所致也泊乎藍壁半銷明珠全墮莫解失羽之悲何限喪明之痛然命窮修短不能分慈母之九齡而祚錫綿長猶及覩賢姬之三問則見壽登耄耄杖履優遊嗣續曾元衣冠羅列在昔之秋霜凜凜於今之春日融融傳應成夫子政誅擬出乎安仁光燦瑤函冰潔共欽于一國

榮增鏤石風徽永播于千秋
 道光壬午仲春
 同里貢生周辰拜撰
 同里周福撰

元輔王公傳

同里周福撰

元輔先生諱重上梅里睿志王公其父也先生生九齡而父沒哭泣盡哀無任痛悼其孝行所謂少成若性者事母項太君竭誠盡敬不懈須臾故鄉黨稱願然年弱冠勤習禮儀博通經學乃以終鮮兄弟何忍舉家政之紛繁重累高堂之思慮因留心稼穡務知艱難自後家道日豐里族有告貸者無難色亦無德色交際往來誼全管鮑先娶李氏琴諧十五載而亡有子生而不育及繼娶吳氏生賜松賜栗廼念先人遺囑不欲使早夭之伯氏令祀失靈又遵慈命殷殷復為求助于外家訂親

於中表于歸後生賜椿賜彬以承祧冢嗣所為克成前
 志用敷貽後人休事豈偶然哉迄今公既往矣而螽羽
 麟趾枝衍奕奕蘭芽桂蕊玉立英英將見鵬搏萬里鷗
 化三千無疆之休其在斯乎其在斯乎敢為之拜手維
 祺而上東方之贊其辭曰
 賢士敦行達人知足春樹千林秋江一曲其室則邇其
 人如玉朱檠燈青紅篝蒲綠克儉克勤以櫛以沐氣度
 雍容性情純篤抗懷典型古今齊躅
 道光壬午仲春
 同里周誌拜撰

同里周誌拜撰

同里周誌拜撰

項孺人王母傳

同里周誌拜撰

王母項孺人蕭邑文煜先生之次女配吾里元輔先生
 為文炯公之繼媳也孺人出自名門夙嫻姆教謹持內
 則允協女貞以諸姑而作姑嫜就親親以聯姬媿承堂
 上之歡篤閨中之愛齊鴻案挽鹿車相夫子以治家辛
 勤備極真四德之俱全致兩房之胥協嗣後聯舉二子
 曰賜椿曰賜彬崧嶽鍾祥英英玉立詎意中年元輔先
 生身纏二豎孺人為多方求治湯藥之奉豈敢憚勞延
 數月而竟至彌留吁嗟乎鸞舞青鏡鶴別朱弦昔人有
 慘極城崩痛深鬢截者不圖又見當日也然而送死養

生宜遵大義勉焉含恤入幃諸孤自育逮服闋後長子
 賜椿名列成均聘毛氏生二子一女而毛氏先亡因為
 續娶沈氏又舉二男次子賜彬相繼成立為聘錢氏婦
 育二男二女迄今子稱克家婦能盡職諸孫羅列以讀
 以耕行見蜚聲騰實顯親揚名繩繩繼繼正未有艾也
 與斯居者目擊一時之盛不禁流連而起頌曰
 惟母之操玉潔冰清惟母之嗣芝苗蘭英義方壺教邢
 尹命名珩璜淑德鍾郝芳聲春暉集慶秋月齊明瞻仰
 母儀百世載賡邑文獻求主文大文淵香里示神於土
 道光壬午仲春 同里郡庠生周石湖拜撰

宰平王翁行略

宰翁諱培良字宰平行十國學生學名元德係始遷前
 梅里

王掄一公之第十四世孫

星聚公之次子也性勗孝友鄉黨稱之當其時也

星聚公身染瘋疾發時甚重翁侍湯藥日不離側夜不

交睫及

星聚公亡後哭泣盡哀行路聞之而流淚其與兄經營於
 錢清鎮所權子母均係循分而行以致赤手成家挺然
 崛起所以克迺前光也當與兄分晰時無不推讓自兄

亡後待兄子如己出遇事無不瞻顧所以克念天顯也
常憶

星聚公在日有宗譜未修之宿願翁時念念於心而不
能須臾忘者奈因始祖輾轉遷移宗支失序故先將始
遷祖墓暨歷代祖墳前各豎世碑併議立墳禁而於始
祖以上宗牒恐有舛錯則東採西訪遍歷同宗迄今二
十餘年始有頭緒謀及族中襄成其事以啟後世其傳
益遠功不在顯揚下矣今翁名列成均德配毛氏內
助芬芳齊週花甲生子二長鑑盤幼習農務勤服先疇
次鑑銘在京供事增輝門第鑑盤生二子永森永銓見

其資性聰俊均可鼓勵成人翁之福澤正未有艾焉

誌同鄉目擊故敢傳其事而集詩詞以讚曰

昭哉嗣服永言孝思兄及弟矣于時保之受天之祐壽
考維祺俾爾昌而大宜爾子孫繩繩兮

豈

道光二年壬午春

梅溪鄉老圃星璇周誌撰

星象公在日海宗清...
 龍須更思者...
 道次二平王平...
 祖貴上宗...
 幸辦斯...
 其資...

宰平公遺箴

蓋世運不能有隆而無替人生所貴自立而不搖昔之
 時男餘粟女餘布士農循習勤其業今之日士不書農
 不耕男女游惰相為安然此猶淺焉者孝弟忠信以範
 身也而身日蕩禮義廉恥以維心也而心日漓然此猶
 故責以深者惟是養生送死真情也文飾以悅觀矣睦
 族敦倫高誼也行違而色取矣不足愧乎教子美名也
 每掩其惡而詡其能延師盛舉也又樂其諛而惡其直
 不大謬乎婚姻為延似續厚聘濃奩切莫計也竭其力
 而竭其財不傾產乎燕飲所以合歡三揖百拜有定儀

也卜其晝而卜其夜不濫觴乎締交以集益君子之事也乃流而爲勢交爲利交爲酒食交自然速敗讀書而談道聖賢之修也乃潛而談閨房談風月談梟盧局卒至無成若夫好畜奴婢好美衣裳好藏珠玉此皆謂之不祥之幾亦有貪圖田園貪求眷屬貪攘利名此卽謂之失着之算况乎諂不知羞傲不知戒淫不知恥危不知憂由是而禍胎成逾時而孽報至一身作惡數世被殃可勿畏哉且夫前事者後事之師也已然者未然之鑒也守四民之業遵三物之章孝以事親則三牲脫粟咸可承歡寬以御眾則萬類同春羣行講讓己之子鄰

人之子造就皆所當先少之時壯老之時儆戒終無可忽毋扳貴族毋羨高親毋斷鄉曲毋涉公廷毋緩國課毋勒窮民毋錦繡羅綺而自減其福毋珍餽美糈而自汨其靈毋妻妾過多而自耽鴆毒毋交遊太盛而自損精神毋趨人聲勢而承人嘖笑毋強人提拔而受人怒瞋毋見人落魄而陵辱毋因人譽己而驕矜蓋陵辱者有時遭際驕矜者不日禍生胡爲乎隨俗流之齷齪喪本性之清真故或立心或行己或謀生存此公道還天地發一言制一行待一物留些餘地裕孫曾不成人之惡不許人之陰忍難容之事恕不知之人聰明才智守

之以愚爵祿功勳將之以讓食息起居崇之以質里鄰
 親友接之以仁庶幾誠無悔怨無怨和無仇忍無辱未
 有真心無報効未有隱德不彰明此予見之歷歷所以
 語之諄諄苟詳思其故而時警於心吾家吾族自能不
 廢而常興焉

咸豐三年孟冬月

孫永森沐手謹錄

先大父宰平公治家示後一以真實勤儉為先

緒論永矢弗諼迄今二十餘年回思

祖訓如在庭前誥誡時也今歲夏初適於舊篋中尋得遺
 箴一道捧讀之餘不禁汗下竊自念承先端在返躬影
 余無愧彝訓常新凡我後人其世世守之而勿替

長孫永森謹跋

數幅箴言霏如玉屑曲道俗情高挹羣說反正相生成
 敗若揭誦公之詞景公之哲幸有孝孫丕承先烈小子
 何知聳然心折

蛟莊姻晚鍾廷燦拜題

文德王公殷孺人暨三子合傳
 王公文德字在明邑之善士也重人倫崇信義生事葬
 祭克盡子道兄弟怡怡人無間言德配殷孺人惟賢惟
 德克儉克勤悅親以道教子有方故後嗣克稱令子也
 生三子長子世仁字應春號履泰酷好讀書手不釋卷
 縣府試屢拔前茅院試又屢備而不克泮水之遊嗣又
 逕入秋闈曾膺鶚薦不獲鵬搏非才疎而有所未遇蓋
 數竒而不得其時也次子世奎字聯輝號再輝慷慨仗
 義不計財利人多受惠已不居功落落生平概如是也
 幼子世忠字雲峯號還雲五齡得奇疾十歲入幼學過

文德王公殷孺人暨三子合傳

王公文德字在明邑之善士也重人倫崇信義生事葬
 祭克盡子道兄弟怡怡人無間言德配殷孺人惟賢惟
 德克儉克勤悅親以道教子有方故後嗣克稱令子也
 生三子長子世仁字應春號履泰酷好讀書手不釋卷
 縣府試屢拔前茅院試又屢備而不克泮水之遊嗣又
 逕入秋闈曾膺鶚薦不獲鵬搏非才疎而有所未遇蓋
 數竒而不得其時也次子世奎字聯輝號再輝慷慨仗
 義不計財利人多受惠已不居功落落生平概如是也
 幼子世忠字雲峯號還雲五齡得奇疾十歲入幼學過

目成誦人皆奇之十三業經營讀書僅二載三教聖人之書百家諸子之言一覽知其大略著有日省銘以自警至於能詩善弈精於心計當時推為獨步還雲猶其餘事也居家節儉處世和平捐置祭產修理墳墓宗族貧乏者量力周之鄰里相爭者曲喻和之親戚成訟者多方解之無力償租累年不收其息有心尋釁數次不記其非後又矜恤者有之己酉大水散米數十石已所不敷不暇計及惜字重粟戒殺放生種種善舉惟恐行之不給焉性愛山水各勝處留連不能去會心時欣然自得讀詩書而不汲汲於名習會計而不孳孳於利息

心靜氣保養元神還雲亦人傑矣哉癸丑歲前梅王氏復脩宗譜是為傳

同里姻晚候選教諭孫 泰撰

日省銘

仁義忠信孝友誠篤有進退無反覆和為貴平為福敬近榮謙遠辱功宜純粹防斷續常知足必慎獨篋瓢何異千鍾粟逆來順受羣陰剝盡陽來復謀人妬人損人悞人此生一有過莫贖守口如瓶持身似玉存心宜厚切勿薄養神須清不可濁

四... 人... 異... 或... 二... 日... 不... 與... 心...

永年王翁傳

余當出就外傳時王子虎文隨其

尊甫永年翁從前梅來僦居於余之西鄰迄今幾三十年

矣虎文待余厚尊甫因亦器視余杖履追陪甚親密

也今年九月余秋試報罷悒悒家居則見虎文披衰經

涕泣踵門以鞠翁行狀見示蓋翁生三子長虎文為

元配毛太君出次禹範季翼文為繼配沈太君出三子

既授室翁為各立門戶而徙其季於距安昌五里許

示... 之山西村... 翁為陸賈之傳餐時適卧疾山西自夏迄

秋不雨湖港涸如炙錙舟楫阻絕故余不獲問視而詎

意不翁已辭人間世也。世翁諱賜椿字永年爲
元輔公第三子年十三父患河魚疾羣醫束手。翁躬嘗湯
藥審視滌器孝思所感篤疾遂痊得承厥考。懽者又八
年失怙以後奉母依兄曲盡愛敬而遭家不造荆樹彫
零。翁乃半畊半讀克儉克勤家故負海墾草萊而藝
木棉其利倍蓰而家計以豐每當重陽風雨海外催租
笠屐逍遙鬚眉蒼古望之詫爲神仙中人。性嗜飲解杖
頭錢市村醪與野老農夫相酬酢輒醉倒蓋羅浮夢醒
而已不覺參橫月落翠羽啁啾矣。自奉約甚而好行善
綈贈故人棺歛暴骨施茶濟渴惜字捐金至於長虹歛

側僻徑崎嶇莫不解囊而爲之倡其治家則和而肅三
尺童子無佩紫羅囊者課子孫以詩書長各俾執一業
而循陔之慕至老弗衰余猶及見。翁母

項太孺人以耄耄終而髮純白髮擗踊盡哀非至性之過人
者歟嗟乎今之世非無手劊門楣擁厚貲以豪於里黨
者而往往慳吝居心錙銖必較及問其家庭之內則孝
養多虧而義方有缺若。翁者可以風矣余與虎文交
既摯禹範翼文又嘗從余游曷敢以不文辭因系以誄

曰

蘭渚後昆梅邨望族轉徙安昌惟鄰是卜夜雨踈燈吟

聲比屋教子義方英英式穀鶴髮童顏溫其如玉斑共
舞萊頷唯點郭忽隕少微王脩痛哭我亦潜然蓼莪廢

讀華周鼎與文又嘗論余謂公以不交論因茶以精

世愚姪周晉鏞拜題

香而封封對容具心論檢心辨又問其案與之內以

昔煥製平令之世非無手論門賦轉則實以遠外里

取太無人以譽差幾而珍珍白變轉則其非至封文

而前刻之墓正未此其亦其母

只宜至然則其無與香期于終以特書其於封時一

則翰墨則其不孰與而益之其其前案則味而應三

日新王公傳

詩曰毋念爾祖聿修厥德傳曰非此其身在其子孫觀

日新王公而始信然公諱鑑盤字日新行十五係梅溪

宰平公長子賦性仁厚具有長者風因宰平公赤手成

家公服先疇而不以為勞此公之職勤舊業也見宰平

公苦心創譜公襄厥事而不以為功此公之志篤本根

也以季弟援例捐官公助其貲而不以為靳此公之情

深友愛也公之德其至矣哉溯自年當弱冠德配毛姬

於中表之親結兩傳之好是即承先裕後之一端也生

子二長永森次永銓方期偕老百年聲和鳴鳳何意分

飛異路夢斷孤鴛因二老之無扶念兩兒之孰撫爰向
關西之望族再歌渭北之好逑得生幼子錫字永清而
庭前初見添黃口天上忽驚墮玉峯天之報施善人何
其爽哉抑知爲善而卽報者其報淺爲善而不卽報者
其報長迄於今公之長嗣永森奮迹西泠承恩北闕置
良田而犬錯造宏宇以輦飛次嗣永銓身受職銜名揚
閭里樂善好施而人蒙惠解紛排難而物無爭公之裕
後其一也森生五子楷棻彬榮榘濯爾冰清銓索四男
傑棨植與植森然玉立公之裕後其二也雖幼子永清
有室雙亡並無遺育而森以三子彬銓以次子棨兩房

共祧一派是又能體公承先之志而慰公裕後之心也
而公之澤靡涯矣而公之德益昭矣故泥塗不足爲公
辱軒冕不足爲公榮所爲公重者以象賢之實德貽燕
翼之善謀桂蘭繼茂瓜瓞綿生得隨梅澗以長流直與
獅山而並壽

峕

咸豐三年歲在癸丑孟冬月

賜進士出身陝西汧陽臨潼等處知縣兼陝甘同考官嫺愚
弟小珊鍾錫瑞拜撰

難留詎卽缺庭間之三問母氏聖善室家溱溱母也劬
 勞子孫螽蟄至哉欽承坤載宜乎得受晉封茲者癸丑
 之年壬辰之日爲
 宜人花甲之週卽諸息萊衣之舞桂蘭濟美方擬偷桃瓜
 葛聯姻羣思執榼幸孝孫之有慶仰壽母之無疆爰陳
 五福之箕疇共效三多之華祝凡我同人逢茲嘉會所
 由上月恒之頌而歌天保之章乃
 宜人以爲壽身何如壽世承志端在承先剛當修譜之期
 頓切庇根之志願舉稱觴之私費助供延牒之公資爲
 慰母心綿支接派以裕後昆真古今所未有也還期子

姓踵事增華而光家乘更德澤之孔長已予本史臣據
 事直書用敢謹陳以列傳後之覽者聞風慕義亦將有
 感於斯文

皆

咸豐三年歲在癸丑孟冬之月

賜進士出身翰林院編修兵部侍郎兼都察院右副都御史
 巡撫江蘇等處提督軍務總理糧餉事務加三級世侍
 生信臣許乃釗拜撰

拔其道光廿一年月日具甘結里鄰親族舉人高溥

生員王燮

監生高筠

王世榆

為孝義兼全公叩移請詳

題建坊以彰潛德事據舉監生員高溥等呈稱有本縣三

十六都三圖已故儒童王炳茂原配現存節婦王錢氏

年五十二歲守節三十三年與例相符舉人等居里鄰

親族見聞屬實為此取具事實並備甘結公叩移請詳

題建坊以維風化而彰潛德等情具呈前來敝學確切訪

查實有其人其事該氏夫亡守節年歲事實與呈稱合

並無捏飾情弊隨看得現存節婦王錢氏幼識女箴長

嫻內則侍母疾而割股投湯弱齡知孝娛親顏而調羹

進膳壯歲稱賢祇期好合百年鳴鸞協吉詎料宜爾四

載寡鵠堪悲痛不欲生幾致相從於地下哀猶知義還

期曲順乎高堂事親至椿謝萱凋婦兼子職繼子而承

先啟後母代師箴甲算五旬芳徽聿著辛勤卅載苦節

堪欽既輿論之交孚宜

旌揚之下逮相應加具結看造冊備文移請為此合移

貴縣請煩核轉施行須移

道光二十一年四月廿一日山陰縣儒學

教諭朱師望
訓導黃際春

加印結移

浙江紹興府山陰縣為節孝兼全公叩移請詳

題建坊以彰潛德事准卑縣儒學移據舉監生員高溥等

呈稱有本縣三十六都三圖已故儒童王炳茂原配現

存節婦錢氏年五十二歲計守節三十三年全述至核

轉等由過縣准此該山陰縣知縣王核看得王錢氏內

則夙嫻壺儀素著髫齡事母曾割股以療沉疴筭歲相

夫恒篝燈以資勤讀祇願牛衣共卧吟到齊眉何期鸞

鏡分飛泣枯淚眼非翁姑曉以大義早為捐生因叔子

可接宗祧勉畱殘喘婦承子職養葬克盡其誠母作師

儀教育不留餘力洵稱巾幗完人合請

旌揚大典茲准儒學移送冊結前來卑職復查無異理合加

具結看備文詳請仰祈察核轉除申

撫

督三憲暨藩憲外為此備由具申伏乞

學

憲臺照詳施行

道光二十一年五月初九日山陰知縣王燕堂加印結

詳

浙江巡撫部院劉

欽命浙閩總督部堂顏會同具

憲提督浙江學政羅

題為欽奉

恩詔事該臣等看得欽奉

恩詔內開孝子賢孫義夫節婦貞烈細加諮訪確具事實奏

聞

旌表欽遵在案茲于

道光二十一年分據布政使司詳送浙江省杭州

府等府舉報現存節婦等註均屬孝義兼全阨窮堪憫

應請

旌表給帑建坊設則致祭祠內以光俎豆鐫刻姓氏載入誌

書以勵風俗除冊結送

部外謹會同合詞具

題伏乞

皇上睿鑒勅部議覆施行謹

題

道光二十二年奉

旨

欽旌節孝山陰縣已故儒童王炳茂之室錢氏給帑建坊坊

王大成戶

方字九百零八號 田六分六釐 坐落鵝湖橋土名

花園墩 原田二畝零二釐八絲四忽 文生君寵

德章肇恩禹玉國昌文濤等戶飛散承糧

萬字七百廿二號 田一分三釐零三絲 坐落宋家

臨土名尖嘴 原田四分零 大經文生國昌等戶

飛散承糧

萬字一千五百十號 田五分二釐五毫二絲七忽

坐落西山下土名小池田 原田一畝七分七釐二

毫一絲四忽 標械思械文生德全文濤德章瑞茂

肇恩等戶飛散承糧

萬字七百十六號 地二分九釐八毫失管無查

萬字一千三百七十四號 地一分 老香火基地

萬字一千四百九十四號 地一分九釐六毫失管無

查

始祖掄一公 三世祖培荆公 七世祖廿八房梅峯公

墓山

不字四十三號 山四畝零一釐二毫廿五房四畝零

一釐二毫廿八房四畝零一釐二毫飛散承糧 坐

落宋家隴土名九家園王家園

取字三十三號 山七分五釐失管無查

四世祖槐蔭公 五世祖蘿菴公 六世祖守義公守

勤公守質公 七世祖廿五房墅溪公墓山四畝一

分八釐土名西湖山嘴 瑞茂國昌文生君寵文濤

德章肇恩大成等戶飛散承糧

二世祖慶二公葬西湖不字廿一廿二號其山禹玉戶

承糧 二世祖妣任氏福安人廿五房 八世祖西

墅公 九世祖思三公墓山

不字九十八號 山二畝五分 土名梓樹下廿五房

飛散承糧

萬字九百零三號 田三畝一分五釐四毫 廿五房文

默公後汝槐捐入祠戶承糧有碑記在祠中

萬字一千二百三十七號 坐落宗祠後地 廿五房賜

松房二分三釐三毫 鑑盤房四分六釐七毫捐入祠

戶承糧

取字二十三號
 山七
 四世祖槐
 勤公守實公
 分八
 德
 二
 萬字一千二百三十
 一
 萬字六百零三

Printed in Japan